



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 141. Apaminensis Episcopi controversia contra eosdem.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII., „vire poterimus: Tui enim sumus, ce-
A. C. 1669. „tusque sis, Illustrissime Præsul, ne
 „minem reperiri, qui exactius, firmitus,
 „& fidelius hæc mandata exequentur,
 „& sincerius gloriantur, quod sint

*Humillimi & obsequiosissimi
 tui Servi, Jesuitæ Senonensia*

Die igitur quarta Martii præfato
 anno Senonensis Archiepiscopus, eo
 quod Rex in suo decreto inter privile-
 giatos & non privilegiatos nullam fe-
 cisset exceptionem, pariter declaravit,
 quod Jesuitæ deinceps non modo circa
 Sacramentorum administrationem, &
 Verbi Divini prædicationem, sed ne-
 quidem circa suas Personas & Collegia
 ullo privilegio fruantur, sed in Gallis
 Episcopali jurisdictioni plene sub-
 jecti sint.

§. CXLI.

*Apamiensis Episcopi controversia con-
 tra eosdem.*

*Relat. de
 l'Evêq. de
 Pamiers à
 tous les Pre-
 lats. Recueil
 des Affair.
 du Clergé
 pag. 293.*

Acrior adhuc erat contentio inter Ste-
 phanum Caulet Apamiensem Epi-
 scopum, & ejusdem Diæcesis Jesuitas:
 cum enim hic Præsul inter suos fideles
 morum corruptelam præcipue eo ex
 capite invalescere animadverteret, quod
 ex Regularibus nonnulli sine Episcopi
 appro-

approbatione confessiones exciperent, Sæc. XVII.
 & laxioribus quorundam novorum Ca- A. C. 1669.
 suistarum sententiis innixi, a casibus
 etiam Episcopo reservatis passim ab-
 solverent, hinc varia edidit decreta,
 quibus huic malo remedium opponere
 statuit. Verum Apamiensis Collegii
 Jesuitæ hanc agendi rationem velut
 intempestivam severitatem, qua pecca-
 tores ad desperationem redigerentur,
 publice carpebant, atque inter eos P.
 Benedictus Paschal die decima nona
 Junii anno priori in Collegii Templo
 sermonem habebat, in quo præsentibus
 Ecclesiæ Cathedralis Canonicis
 plurimisque Religiosis, quos ad hanc
 concionem studiose invitaverat, pec-
 catores levi duntaxat pœnitentia esse
 dimittendos comprobare nitebatur,
 exemplo Christi Domini, qui adulte-
 ram, Magdalenam, & Samaritanam
 dimisit, unice eis inculcans, ne am-
 plius peccarent: inter alia quoque af-
 firmasse dicebatur, quod Deus in ve-
 teri lege sua austeritate vix non popu-
 lum a suo obsequio averterit, Moyses
 autem mansuetior illum in officio reti-
 nuerit, ac propterea Israelitæ dixerint:
 loquere tu nobis, & non loquatur nobis
 Dominus. Plura alia testes, quos Epi-
 scopus jurato exceperat, deposuere,
 quæ ad evertendam SS. Patrum &
 Con-

*Arret du
 Conseil des
 Roy sur un
 different
 entre l'Ev.
 & les Jesuit.*

Sæc. XVII. Conciliorum doctrinam circa Poenitentiae administrationem, necnon ad fovendam peccatorum impoenitentiam collimasse videbantur: Eapropter Episcopus hunc Concionatorem, ut se ab objectis criminibus purgaret, in Episcopali Curia comparere iussit, hic vero se exemptum non nisi suo Superiori rationem reddere obstrictum esse respondit, si autem ulterius procederetur, se ad eum, cui de Jure competeret, provocaturum, moxque P. Petrus Fulgueyræ Collegii Syndicus die secunda Julii ad Tolosanum Parlamentum & postea ad Metropolitam ab usurpata Episcopi jurisdictione appellavit: salva hac appellatione Episcopus hunc Concionatorem denuo citari iussit, qui tamen comparere recusans, querebatur, quod in Episcopi decreto *Fratri* & non *Patri* nomine appellaretur: Syndicus quoque Benedicti concionem ad plurimum Societati addictorum ædes detulit, petens, ut in hoc sermone nil nisi Evangelii & Ecclesiæ Regulis consonum reperiri testarentur. Die autem quarta ejusdem Mensis Episcopus Patrem Paschal Sacramenti Poenitentiae administratione, & Verbi Divini prædicatione interdixit, simulque P. Joanni Bouclier, ut hunc Prædicatorem sisti curaret, mandavit, interminata interdicti poena:

ne vero præcipitis severitatis arguere- Sæc. XVII.
tur, Tolosanum Archiepiscopum roga- A. C. 1669.
bat, ut hoc dissidium amica transactio-
ne componere velit: Hic ergo juncta
Populiensis, & Lombariani Episcopo-
rum opera cum Tolosani Collegii Je-
suitis agere cæpit, ac die duodecima
Mensis Augusti reconciliationis condi-
tiones firmavit, quas inter præcipua
erat, ut P. Paschal Episcopum accede-
ret, & retractationem, quam hi tres
Præsules confecerant, a se, suoque
Superiore subscriptam eidem traderet:
Verum Apamienses Jesuitæ adversus
hanc compositionem vehementer recla-
mabant, caussati, se insciis a Tolosanis
Jesuitis has condiciones fuisse accepta-
tas, seque nondum auditis inique con-
demnari: Insuper P. Franciscum Ada-
netum Jesuitam aliunde evocarunt, qui
Paschalis interdicto affecti vices actu-
rus, Episcopum accessit, eidem insi-
nuans, quod deinceps confessiones ex-
cipere, ac concionari vellet; Episcopo
autem id denegante, eoquod ab ipso
non approbatus esset, Adanetus P.
Trencherum Provinciale datis literis
de Episcopi repulsa certiozem reddidit,
qui perlecta ejus epistola ira commo-
tior in hæc verba prorupit, „quia Præ-
„sul nos ita infectatur, Adaneto præ-
„cipere cogor, ut is vicissim suo utatur
„jure.

Sæc. XVII. „jure.„ Hic ergo hac Provincialis
 A. C. 1669. licentia fretus, absente Episcopo, in
 Amilia ejus Vicario Generali, ut Su-
 perioris sui facultate uti posset, con-
 sensum petiit, quo denegato nihilomi-
 nus die tertia Decembris, aliisque die-
 bus sine ulla hæsitatione conciones ha-
 buit, ac fidelium confessiones excepit,
 incassum desuper a Beringerio Marcade-
 lensi Parocho admonitus. Re com-
 perta Episcopus Apamias reversus, die
 decima nona Decembris promulgavit
 edicto omnes hucusque duntaxat ore-
 tenus obtentas approbationes revoca-
 vit: huic Episcopi edicto sese subjec-
 runt omnes Religiosi, exceptis Jesuitis
 qui literas Notarii chirographo man-
 datas Episcopo die vigesima quarta eius-
 dem Mensis transmiserunt, quibus signifi-
 cabant, Episcoporum approbationem
 merum esse testimonium de capacitate
 eorum, qui eam petunt, jurisdictionem
 vero dari ab Episcopo in suos Dioc-
 cesanos, & a Papa in omnes fideles,
 hanc vero deputari Confessariis, pe-
 eos, qui eorum sunt legitimi Superio-
 res, Jesuitas autem ab Episcopo ap-
 probatos, atque idoneos, & a suis Su-
 perioribus Deputatos habere plenam
 potestatem absolvendi omnes, oretentis
 quoque obtentam approbationem suffi-
 cere, nec Tridentinum requirere scri-
 ptam

ptam, nec eam nisi propter graves culpas Sæc. XVII.
 fatis probatas, & ad ipsum Pœnitentiæ A. C. 1669.
 Sacramentum spectantes revocari posse
 &c. His multisque aliis in sui defen-
 sionem allatis ab Episcopi mandato ad
 Metropolitam provocarunt, atque inter
 eos præcipue P. Rector, P. Syndicus,
 & P. Adanetus in Nativitatis Domi-
 nicæ festo, aliisque diebus publice om-
 nium concurrentium confessiones ex-
 ceperunt: Spargebantur etiam per ur-
 bem adversus Episcopum, ejusque Mi-
 nistros libelli famosi tam in publico foro,
 quam in Ecclesiæ portis affixi; hoc igi-
 tur contemptu irritatus Præsul, suam
 auctoritatem protegi, a Rege efflagi-
 tans, die quinta Januarii præfatos Je-
 suitas suspensionis pœna affecit, inter-
 minato anathemate, si Pœnitentiæ Sa-
 cramentum administrare pergerent.
 Percepta hac sententia Jesuitæ denuo
 ab ea ad Metropolitam appellantes, per
 suos Scholares ab Ecclesiæ foribus Epi-
 scopale interdictum abstrahi, & appel-
 lationis suæ literas Episcopalis Palatii
 imo & urbis portis affigi curarunt, si-
 mulque fidelium confessiones passim ex-
 ceperunt; eapropter Episcopus juxta
 Sacros Canones trinam monitionem
 præmittere intentus, hanc in rem no-
 minabat Antonium Noué, qui una-
 cum

Sæc. XVII. cum duobus testibus P. Rectori tum
 A. C. 1669. confessionibus excipiendis vacanti Episcopo
 scopale hoc edictum tradidit, quod tamen hic inter sonoros Scholarium cæ-
 chinos in terram projecit, Adanetus vero a Missæ Sacrificio redux, edictum
 non acceptavit, comminatus, Papatum & Regem hanc violentiam vindicatos.
 Insuper divulgabatur libellus sub hoc titulo: *Syndici PP. Jesuitarum rationes, quibus probi homines sanari possunt ab anxietatibus, quas Episcopi Promotorum conscientias ingerere attentat, ne suas confessiones apud Jesuitas deponerent.* Eius-
 quidem P. Trencherus Provincialis Syndicus hæc se insciis facta testatur; cum autem doctrinas ibidem contentas non rejicerent, & insuper habitis trina admonitione Jesuitæ sacris functionibus vacare pergerent, Episcopus secunda Februarii pro frangenda eorum contumacia publicas solemnes preces per universam Urbem indixit, ac demum die quinta ejusdem Mensis præfatos tres Jesuitas publice excommunicatos declaravit, hujusque sententiæ notitiam datis literis die vigesima prima ejusdem Mensis unacum facta relatione omnibus Regni Præsulibus dedit. Nihilominus Jesuitæ Sacramenta ut antea, operabantur, eorumque Scholares excommunicationis sententiam

valvis Ecclesiæ abreptam lacerabant: Sæc. XVII.
 Interim vero Regis literæ die prima A. C. 1669.
 Februarii datæ ex oppido S. Germani
 in Laya ad Episcopum deferebantur,
 quibus decisum, quod Jesuitæ adversus
 Episcopi sententiam intra semestre jura
 sua exponerent, interim vero ejusdem
 Episcopi decreta exacte exequerentur:
 Hi ergo Regis indignationem præveni-
 turi, Episcopo die undecima Februarii
 significarunt, se ad tollendam populi
 offensionem consultum censuisse, ut,
 non obstante suo confessiones excipiendi
 jure, sacro huic Ministerio abstinere-
 rent, sui que Collegii Ecclesiam ita clauderent,
 ut illud duntaxat suis Scholari-
 bus apertum esset, salvo tamen jure
 ulterius sacras sui Ordinis functiones
 exercendi: cum ergo cedere videren-
 tur, opera Sabasani Tolosani Metropo-
 litanæ Curie Promotoris, qui Socie-
 tati apprime addictus erat, tandem
 hæc controversia composita est.

§. CXLII.

*Ludovici XIV. Galliarum Regis e-
 dicta contra Hugonottas.*

Ineunte anno hujus sæculi sexagesimo Hode Hist.
 nono Ludovicus XIV. Franciæ Rex de Louis
 pro eo, quo flagrabat. Catholicæ Re- XIV. 4. 32.
 ligionis studio Calvinistis sectam suam Calmet Hist.
Univ. l. 154.
Hist. de l'E-
dict. de Nant.

Hist. Eccles. Tom. LXIII.

Cc

di-